

287

Na osnovu člana IV B.7. a) (IV) Ustava Federacije Bosne i Hercegovine, donosim

## UKAZ

### O PROGLAŠENJU ODLUKE O UTVRĐIVANJU PODRUČJA SLIVA RIJEKE UNE PODRUČJEM OD ZNAČAJA ZA FEDERACIJU BOSNE I HERCEGOVINE

Proglašava se Odluka o utvrđivanju područja sliva rijeke Une područjem od značaja za Federaciju Bosne i Hercegovine koju je donio Parlament Federacije BiH na sjednici Predstavničkog doma 28. 4. 2004. godine i na sjednici Doma naroda od 14. 4. 2004. godine.

Broj 01-507/04  
31. maja 2004. godine  
Sarajevo

Predsjednik  
**Niko Lozančić**, s. r.

Na osnovu člana 16. i 80. stav 3. Zakona o prostornom uređenju ("Službene novine Federacije BiH", broj 52/02), na prijedlog Vlade Federacije Bosne i Hercegovine, Parlament Federacije Bosne i Hercegovine, na sjednici Predstavničkog doma od 28. aprila 2004. godine i na sjednici Doma naroda od 14. aprila 2004. donio je

## ODLUKU

### O UTVRĐIVANJU PODRUČJA SLIVA RIJEKE UNE PODRUČJEM OD ZNAČAJA ZA FEDERACIJU BOSNE I HERCEGOVINE

#### I

U cilju zaštite rijeke Une, očuvanja sedrenih tvorevina, kvaliteta vode, biljnog i životinjskog svijeta, brojnih spomenika prirode i prirodnih ljepota, kao i spomenika kulture u granicama područja i u njegovoj neposrednoj kontakt-zoni, a na osnovu višegodišnjih saznanja i do sada provedenih istraživanja i osmatranja odnosno prostora, ovo područje proglašava se područjem od značaja za Federaciju Bosne i Hercegovine sa mogućnošću njegovog utvrđivanja područjem Nacionalnog parka Una.

#### II

Granica Područja sliva rijeke Une počinje obilaskom podnožja Obljaj, na ulazu Unca u kanjon -kota 680, spušta se u korito Unca, prelazi rijeku, penje se do ruba kanjona i rubom kanjona do kote 490, kota 644, nastavlja se ispod kote 838, iznad sela Luke do kote 722, rubom kanjona iznad Martinbroda i iznad ušća Unca u Unu, nastavlja grebenom kanjona na sjever ispod kote 534 do Boškovića grede gdje se spušta na zapad do kote 349; granica se nastavlja iznad ceste ispod kote 679, kota 760, 776, 791, iznad Vrnograča do kote 753, spušta se na kotu 546, dalje ide do kote 912 Sui vrh i spušta se na kotu 620 Dubovsko polje, potom se nastavlja cestom do kote 463, ispod kote 488 i spušta se u Ripač, dalje na kotu 230, kota 226

Pritoka do jezera, prelazi Unu, u potpunosti obilazi Debeljaču podnožjem do kote 358, nastavlja do kote 505 Gradina, do kote 532 Užljebić, na kote 592, 536, 565, kote Matijeviča 680, spušta se na kotu 633 ispod Lisičjaka na kotu 644, dalje na kote 653, 760, kotu Maškinovac 685, kotu Bilo 710, spušta se do pruge iznad Une, te granicom sa Republikom Hrvatskom spušta se na jug do iznad Martinbroda; granica prelazi preko mosta na kotu 574, te skreće na sjeveroistok grebenom iznad Martinbroda, ispod kote Jeliščak, grebenom kanjona Unca skreće na istok na kote 678, 657, 780, rubom kanjona na kotu 906, obilazi Vranića Dragu i grebenom iznad Unca spušta se do pod Obljaj kote 680.

### III

Konačne granice Područja sliva rijeke Une, koje čine područja od značaja za Federaciju Bosne i Hercegovine, utvrdit će se prostornim planom Područja sliva rijeke Une kao područja od značaja za Federaciju Bosne i Hercegovine koja su, do njihovog utvrđivanja, preuzeta iz Prostornog plana Bosne i Hercegovine za period od 1981. do 2001. godine, koji se do donošenja prostornog plana Federacije Bosne i Hercegovine primjenjuje u dijelu koji se odnosi na teritorij Federacije Bosne i Hercegovine.

### IV

Do donošenja prostornog plana Područja sliva rijeke Une, odnosno prostornog plana Nacionalnog parka Una, a najduže u trajanju od dvije godine od stupanja na snagu ove Odluke, na cijelom prostoru definiranom granicama iz tačke II ove Odluke, primjenjuje se zabrana građenja, s tim što se od zabrane izuzimaju radovi tekućeg održavanja i radovi hitne i neophodne sanacije postojećih objekata.

### V

U prilogu Odluke nalazi se grafički prikaz granica koji obuhvata područje sliva rijeke Une koji čini sastavni dio Odluke.

### VI

Za realizaciju Odluke zaduženo je Federalno ministarstvo prostornog uređenja i okoliša.

### VII

Odluka stupa na snagu narednog dana od dana objavljivanja u "Službenim novinama Federacije BiH".

Predsjedavajući  
Doma naroda Parlamenta Federacije BiH  
**Slavko Matić**, s. r.

Predsjedavajući  
Predstavničkog doma Parlamenta Federacije BiH  
**Muhamed Ibrahimović**, s. r.